



Aqqa Samuelson
Inatsisartunut ilaasortaq, Inuit Ataqtigiit

Siusinnerusukkut inatsisartut aalajangiiffigisimasaat pillugit § 37, imm. 1 naapertorlugu apequtitut – 195/2019 – akissuteqaat.

04-06-2019
Sagsnr. 2019 - 12501
Dok. nr. 10828253

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Aqqa Samuelson,

Inatsisartut suleriaasiat naapertorlugu apequtitunut qjanaq. Apeqqutigineqartut tullinnguuttuni akissuteqarfigissavakka.

1. **Siusinnerusukkut Inatsisartut ataatsimiinneranni siunnersuutit akuersisutiginarsimasat ataani pineqartut pillugit sooq piviusunngortinneqarsimannginersut Naalakkersuisut tunngavilersuuteqarsinnaappat?**
 - a) **UKA2012 Imm./Pkt. 54: Kalaallit Nunatsinni efterskolimik suli ataatsimik, Tasiilami inissineqartussamik, UKA 2013-mut pilersitsinissaq pillugu Naalakkersuisut siunnersuusiornissamik peqquneqarnissani Inatsisartut aalajangiiffigisassaattut siunnersuut. (Inatsisartunut ilaasortaq Harald Bianco, Inuit Ataqtigiit)**

Akissut: Tasiilami efterskolimik pilersitsinissaq pillugu § 37 naapertorlugu apeqqummut nr. 033-mut Iddimangiiu Biancomut akissuteqaammi tunngavilersuutigineqartut Naalakkersuisut innersuussutigissavaat. Naalakkersuisuusimasat taamanikkut akissuteqarput, suli allamik efterskolimik pilersitsinissaq nunap aningaasaqarnerata pisinnaatinngikkaa, pilersitsinermi aningaasartuutissat 100 mio. kr.-nint missingerneqarput. Tamatuma saniatigut nunami namminersortumik pilersitsiniarneq timersornermut efterskolimik pilersitsinissamik periarfissarsiorluni suliniarnerit ingerlanneqartut Naalakkersuisut ilisimavaat. Taamaattumik nunami suli efterskolimik ataatsimik pilersitsinissamat piffissaanngitsoq aamma atuartunik tunngavissaqanngitsoq Naalakkersuisut nalilerpaat.

- b) **UKA2016 Imm./Pkt. 50: Inatsisartunut aaliangiiffigisassatut siunnersuut Naalakkersuisut UPA 2017-imut peqquneqassasut inuusuttut 16-iniit 29-nik ukiullit ilanngullugit suliffissarsiortutut allatsissimasut, ilinniagaqalernissaat suliffittaarnissallu siunertaralugu immikkut ittumik pilersaarusiussasut. Inatsisartuni ilaasortaq, Mute Bourup Egede**

Akissut: Akissuteqaat manna Aatsitassanut Suliffeqarnermullu Naalakkersuisoqarfimmit pissarsiarineqarpoq.

Immikkoortoq UKA EM2016/50-imut akissuteqaammut UKA2016/36 peqatigitillugu suliarineqartumut suliniutit ingerlasut suliffissaqartitsiniarnermut periusissiamut "Suliffissat toqqissisimanartut" uiggiullugit Naalakkersuisuusimasunit nassuiarneqarput.

Suliniut 4-mut tunngatillugu "Inuusuttut suliffissaaleqisut malunnaatilimmik ikilisarneqarnissaat" immikkut erseqqissaaffineqarpoq tamanna 2015-imiilli kommunit qanimut suleqatigalugit ingerlaneqarpoq. Tassunga atatillugu immikkut atuagarsorani ingerlasumut, suliffeqarnermut sunngiusarnermut aamma atuagarsornikkut sanngiitsunut atuartunut sammisunik neqeroorutit inuusuttunut immikkut inissanik 250-inik Majoriap neqeroorutai ilaneqarput .

Qulaanni immikkoortunut isumaliutissiissutini Inuusutissarsiornermut ataatsimiititaliap isumaqatigiissutip saqqummiuppai "Aalajangiiffigisassatut siunnersuutit saqqummiunneqartut tamaasa Ataatsimiititaliamit tusaatissatut tiguneqarput taamaalilluni suliamut ingerlareersumut ilaasut oqaatigineqarsinnaalerpoq".

Suliffissaqartitsiniarnermut periusissiami suliniutinut ingerlasunut nassuiaat suliarineqarpoq 16-29-inik ukiullit suliffissarsiortutut nalunaarsorsimasut suliffeqalernissaannut ilinnialernissaannulluunniit suliffimmut aqutissiuunnissaat siunertaralugu.

Nassuiaat Inatsisartunut agguanneqarpoq.

2. Tasiilami inuusuttut ilinniarfitaanikkut inuusutissarsiornikkullu periarfissaasa annertusaaffiginissaat siunertaralugu Naalakkersuisut qanoq pilersaaruteqarpat?

a) Tasiilami inuusuttunut ilinniarfiusinnaasumik/efterskolemik/ højskolemik pilersitsinissamut Naalakkersuisut anguniagaqarpat?

Akissut: Maannakkorpiaq inuusuttunut ilinniarfimmik/efterskolemik/højskolemik Tasiilami pilersitsoqarnissaa Inatsisartunit akuerineqarsimasumik piareersimasoqanngilaq. Kisianni "Tasiilami ilinniarfik" pillugu nalunaarusiassaq qanittukkut saqqummiunneqassaaq. Nalunaarusiassami sammineqarput ilinniarfimmik pilersitsissagaanni aningaasartuutissanik naatsorsuinerit aamma Kalaallisuuliornermik ilinniarfiup immikkoortortaqarfiliornissaaq, tassanilu Nunatta Kangiani kalaallisuuliornerup aamma allanik kusanartuliornerup sammineqartarnissaa takorloorneqarpoq.

b) Tasiilami inuusuttunut ilinniarfiusinnaasumik/efterskolemik/højskolemik pilersitsisoqarnissaanut Naalakkersuisut qanoq isumaqarpat?

Akissut: Tasiilami inuusuttut amerlanerit meeqqat atuarfiata kingorna inuusuttunut ilinniarfimmik aallartinneq ajorput. Taamaattumik inuusuttut piginnaaneqarnerisa qaffasissusaat kivinniarlugu ilinniarnermut eqqortumut ilitsersorneqarnissaannik sulissuteqarneq pingaaruteqarpoq. Taamaattumik Misissueqqissaarnermik iluarsartuullugulu pilersaarusiamik ineriartortitsinerimik "Ilinniarfitaanerup aaqqissuussaanaera eqaatsoq ataqatigiittorlu" Naalakkersuisut suliaqarnerat naleqquttumik sunniuteqarsinnaavoq, Tasiilami inuusuttut suliamut tunngasunut

ilisimaneqartunut oqaatsitsigullu avatangiisinut ilisimaneqartuniiginnarnissaanut, taamaalillunilu ilinniarnissamut toqqaanissamut ersarinnerusumik pissarsillutik.

Siammasissumik ilinniarnernut periarfissat aamma sulissutigineqarput soorlu assersuutigalugu 'Ulluunerani neqerooruteqartartunut ikiortitut ilinniagaq', atuarfiusut ilai siullit Tasiilami ilinniarneqarsinnaassapput Ilulissanilu SPS-imi naammassineqarlutik. Paasisat siullit pitsaasuupput najukkami avatangiiseqarluni ilinniarnep aallartinnerani toqqissisimaneq atuartut misigimmassuk taamaalillunilu Ilulissani ilinniarnep naammassinissaanut suliamut tunngasutigut isumannaanneruneq misigalugu.

E-GUX-imik ilinniarnep Ilinniarfik najornagu ilinniartitsinissamut periarfissinertalik iluarsartuullugu pilersaarussiaq pilersinneqarpoq. GUX-imik ilinniartitaarusuttunut kisiannili illoqarfigisaminniit nunaqarfigisaminniilluunniit nuunnissaminut periarfissaqanngitsunut naatsorsuussaavoq. Ilinniagaqarusuttunuttaaq arlaannik pissuteqarlutik pisariinnerusumik ilinniagaqarusuttunut naatsorsuussaavoq. Taannattaq Tasiilami innuttaasunut periarfissaavoq

3. Tasiilami inuusuttunut ilinniarfiusinnaasumik/efterskolemik/højskolemik pilersitsisoqassappat tamanna Nunatta karsianut aningaasanngorlugu qanoq naleqassava?

Akissut: Tassani apeqqutaavoq ilinniarfik qanoq ilusilik pilersinneqassanersoq pissutigalugu taassuma imarisassai teknikikkut atortut il. il. suusanersut eqqarsaatigineqartussaammata.

Siuliani eqqartorneqartut saniatigut illuutit pilersinneqarnerinut aningaasartuutit 100 mio. kr.-nit missaannut missiliorneqarput, Tasiilami efterskolip/højskolip 80-t missaanni atuortoqartup ingerlannera (Qasigiannuani Villads Villadsenip Efterskolianut tapiissutit qaffaseqatigalugit) ukiumut 12,5 mio. kr.nit missaannik nunatta karsianut akeqarnissaa missiliorneqarput. Tassunga ilanngunneqassaaq Tasilaamut Tasilaamiillu atuartut angalaneri ukiumut 80-it, kitaanit siumut utimullu bilitsip akia agguaqatigiissillugu 15.000 kr.-inut missiliorneqarpoq ukiumut katillugit 1,2 mio. kr.-nit missaanniipput.

Soorlu siusinnerusukkat oqaatigineqartoq, taassuma saniatigut ilinniarfik qanoq ilusilik pilersinneqassanersoq aamma taassuma imarisassai teknikikkut atortut il. il. Suusanersut eqqarsaatigineqartariaqartut. Ilinniarfinnut allanut periarfissaqassappat, ilinniarfiit illutaannik nutaanik tassunga ilinniartut inaannik atasunik pilersitsineq aamma pisariaqassaaq.

Ilinniarfiup illutaanik nutaanik pilersitsinermi naatsorsuinermit tunngavigineqassapput:

kvm-mut Kr. 25.000

- Pilersaarusionermut/Suliniuumut aningaasartuutit - 3 mio.
- Sanaartornermi aningaasartuutit- kvadratmeterip annertussusaa apeqqutaalluni.
- Aningaasartutit siumut naatsorsuutigeriinngisat 10 %-tii
- Allaffissornermi aningaasartuutit 2½ %-ii

Ilinniartut inaannik ataatsimoortunik pilersitsineq

Naatsorsuinermi tunngavik: kvm-imut Kr. 25.000

- Ilinniartut inaannik/ineeqqanik 20-nik sananissamut aningaasaliissutit.
 - Pilersaarusionermut/Suliniuummut aningaasartuutit - 2 mio. kr.
 - Sanaartornermi aningaasartuutit
 - Ilinniartunut inissiat 15 kvm. x 20 – 300 kvm.
 - Init ataatsimoorfiusut – 200 kvm.
 - 500x25.000 – 12,5 mio. kr.

Aningaasartutit siumut naatsorsuutigeriingisat 10 %-tii – 1,5 mio kr.

Allaffissornermi aningaasartuutit 2½ %-tii – kr 0,4 mio.

Katillugit: 16,5 mio. kr.

Inussiarnersumik inuulluaqquusilluta


Ane Lone Bagger